

## EW NAMOPUNG

A awora ukukun \$15,000 seni ewe Monenapen Legislature ren monien aninis ngeni ewe pekin Atake ren fotun nu me sakkun mesenifot ese nifinifin won ekkewe fenapi mei tano ren ewe typhoon Pamela me pwan ren ekkoch popun.

## EPWE PUNG ME REN EWE TRUK DISTRICT LEGISLATURE THAT:

Tetten 1. Iei a kawor ukukun \$15,000 ika fite chok ukukun epwe tongeni naaf, seni ewe Monienapen Truk District Legislature ren monien aninis ngeni ewe pekin Atake ren fotun nu me sakkun mesenifot ese nifinifin won ekkewe fenapi mei tanno ren ewe Typhoon Pamela.

Tetten 2. Ei ukukun mei kawor non Tetten 1 epwe einet ngeni ewe Meinapen Atake, ewe epwe wisen nemeni fan iten ewe Kepina, ren an ei moni epwe chok nounou ngeni met ewe popun mei affat non Tetten 1, esap pwan wor epwe katou epwe napseni ei ukukun mei kawor. Met ukukun ei moni mei kawor esemwo mwokut ika nounou tori non September 30, 1979, epwe niwinsefan ngeni ewe Monienapen Truk District Legislature.


Tetten 3. Ewe Meinapen Atake epwe awora an repot ngeni ewe Truk District Legislature me mwen May 15, 1979; epwe:

(1) affatatiw napanapen nounoun ewe moni mei affat ukukun non Tetten 1, pwan affatatiw ukukun nussun mei wor non April 30, 1979; pwan


(2) affatatiw napanapen nounoun ewe nussun mei namwoto tori April 30, 1979 ren ewe amuchunoon quarter.

Tetten 4. Ei Namopung epwe poputa pochokunan non October 1, 1978, murin an kapunguno me ren ewe Kepina, ika nupwen a pusin winiti annuk inamwo ika esemwo kapunguno.

Annetata seni:

  
Datasi Albert  
Legislative Clerk/Secretary  
Truk District Legislature


Sain seni:

  
Kofofa Sana, Speaker  
Truk District Legislature

Pwinin maram:

July 23, 1978

A kopunguno seni:

  
Mitaro S. Danis  
Kepina non Chuuk

Pwinin maram:

June 13, 1978